

San Judas

Juda Jesu yaräre gojabeoñumi

¹ Yũhũ Juda Santiago pagũ magũ Jesucristo pohro majagũ mũare Jesu yaräre ipũre gojabeoa. Mũare mari Pagũ Goãmũ ĩgũ beyenirã ähraa. Eropirã ĩgũ mahiri mera õaro ähraa mũa. Eropigũ mũare Jesucristo ĩhadibumi mũa ñerire iibiriborore.

² Õadorea mũare. Goãmũ itamuro mera õaro árĩque mũa. Eropigũ Goãmũre mojomoro ĩhadore, mũare mahidoregũ serēbasaa yũhũ Goãmũre. Mũa gajirã mera õaro ähri eräre mahiborore serēbasaa Goãmũre.

Gũyarã erã buherire werenũgañumi Juda

³ Goãmũ marire peamegue waboniräre ĩgũ itamuripũre turaro gojabeodiarabũ mũare, yũ mahiräre. Eropa gojadiaqueregũ ta dohpaguere gũyari buherire gamedorebigũ mũare gojabeoa. Gajirã mũa pohro ejanirã erã gũyari buherire mũa peebiriboro dopa mũare gojabeoa dohpaguere. Eropirã Jesucristo ya buheripũre buhe tarinũgaque. I buheripũre peerã, mari Goãmũre õaro umupeoa. I buheripũ Jesu ĩgũ apinirã ĩgũ yaräre erã buhera eropa árĩniguicãro iiaa gohroto mariro.

⁴ Bajamerãgã masa ñerã ĩha masiya marirã mũa pohro ejanirã árĩma. Mũa mera árĩrã erã buherire buhe gũyama gũare ĩha masiri arĩrã. Õpa arĩ buhema: “Goãmũ yarã mũa árĩcũ,

ĭgu mahimi m̄are. Eropigu nome mera m̄a ñero iicũ ĭgu m̄are ne dipuwaja moasome,” arĭ buherima erã. Eropirã mari Op̄are yujugu ta arĭgure Jesucristore “Goãm̄u magu arĭbeami,” arĭ buherima erã. Eropa arĭ buherãre Goãm̄u ĭgu dipuwaja moaborore wereñumi iribojeguerẽ ĭgu yare erã gojarapũgue.

⁵ Dohpaguere gajire guñacũ iidiaa m̄are. Ire m̄a masiquerecũ ta dipaturi m̄are ire guñacũ iidiaa. Goãm̄u ĭgu yarãre Egipto arĭnirãre ĭgu wiura p̄hr̄u erã mera majarã ĭgure umupeo-birinirãre Goãm̄u wejẽñumi.

⁶ Eropirã m̄a gajirã sãre guñaque. Gajirã anyuap̄u Goãm̄u doreri iinirã, p̄hr̄u iidia-biriñuma. Eropirã erã ĭgu arĭdore apidiro sãre erã arĭdiabiriñuma. Eropirã erã arĭdirore cóãcãñuma erã. Erã eropa cóãcũ ĭagu Goãm̄u erãre naitfarogue erãre peresu iinumi. Eropirã erã pehrerin̄u core comedare dirinirã iro dopa arĭniguicãrãcoma. Eropigu pehrerin̄u arĭcũ dipuwaja moagucumi Goãm̄u erãre.

⁷ Eropa ta ñero iinuma gajirã sã. Erã sãre guñaque m̄a. Erã Sodoma waĩc̄uri maca majarã, Gomorra waĩc̄uri maca majarã iri macari pohro arĭri macari majarã sã nome mera ñero iimuriñuma. Eropirã gajiropa arĭri sãre iinuma. Erã ɸmap̄u erã basi ta erã d̄up̄u mera ñero iinuma. Nome sã eropa ta iinuma erã seyaro. Erã eropa iira dipuwaja Goãm̄u erãre soepehocãñumi. Erãre soegu Goãm̄u arĭpehrerã ĭgure tarinugarãre ĭgu dipuwaja moaburire ĭhmugu iinumi. Erãre ĭgu dipuwaja moari peame ne yarisome.

⁸ Erã Goãmure tarinuganirã iidiro dopa dohpague sã eropa ta iiniguicãma gũyarire buherã. Erã pee masibirã iro dopa ta erã dũpũ mera ñero iima. Eropirã mari Opũ dorerire gamebeama erã. Eropirã deyobirãre, umaro oparãre, turarãre erãpũ ñero werenigui corema.

⁹ Oagũ anyua opũpũ Migue waĩcũgũ ĩgũ turagũ árĩqueregũ ta watĩpũre ñero werenigui corebiripũ. ĩgũ Moise dũpũ mũrarore gamegũ, watĩ mera game dũyasopũ. Turagũ árĩqueregũ ta ĩgũ watĩ tauro “Yũ tamera turaa,” arĩ pepibiripũ. Eropigũ ĩgũ gamero watĩre “Peamegue waporo,” arĩ weresãbiripũ Goãmure. Eropigũ õpa arĩpũ watĩre. “Goãmũgue mũre turiporo,” arĩpũ Migue watĩre.

¹⁰ Oã gũyarãpũ erã masibirirare ñero werenigui corema. Eropirã waimũrã pee masibirã erã gamero ñero iiro dopa ta erã gũyari wererãpũ eropa iimaacãma. Eropa iirã árĩrã peamegue warãcoma.

¹¹ Erã ta ñero tarirãcoma. Caín iribojegue majagũ iidiro dopa ta ñero iima erã. Eropirã Balam sã ĩgũ iidiro dopa ta erã niyerure mahi, aĩdiarã gũyarire buhema. Eropirã niyeru aĩri dihtare pepima erã. Eropirã iribojegue majagũ Coré waĩcũgũ ĩgũ opũre Moisere ĩgũ cóãdorediagũ ĩgũ iidorediro dopa ta erã sã Jesure eropa ta cóãdorediama. Eropirã ĩgũ iidiro dopa ta erã sã peamegue warãcoma.

¹² Erã mũare gũya wererãpũ mũa game mahi ii ĩhmuburi bosenũrire barã, umupeori mariro erã erã gamero bira, erã seyaro ta barire bape-

hocãma gajirãre oro mariro. Eropirã ñerire iirã erã mũa bosenũre õarinũri waboraãnerẽ goroweoma. Deco mariri imica cururi iri mari otera itamubiro dopa ta erã gũyarire buherã ne mũare itamubeama. Eropiro iri imica cururi miruñe weãcũ eropa gohrotoniguiro dopa ta erã gũyarã sã erã wereniguirire gohrotoniguicãma. Yucũ dũcacũbiriri yucũ duhpiburi árĩbiro dopa erã duhpimorã árĩbeama. Erã buheri mera gajirãre Goãmũre umupeocũ iibeama. Yucũgũ dũca maricũ ñha mari duha peamegue soe cóãcãa irigure. Eropa ta Goãmũ erãre gũyarãre peamegue cóãgũcumĩ.

¹³ Pãgũri pumarare pamujupira iro dopa erã ñerire gũhyasĩurire wereniguima. Necãmũ yuridija ñgũ pehrero dopa ta erã sã pehrea warãcoma. Erã eropa ñero iira dipuwaja dederea warãcoma. Goãmũ erãre dipuwaja moacũ naitĩarogue árĩniguicãrãcoma.

¹⁴⁻¹⁵ Enoco iribojegue majagũ Adán pũhrũ siete cururi pũhrũ majagũ õpa arĩmũriñumi. “Peeque yũre. Goãmũ bajarã ñgũ anyua õarã mera árĩpehrerã ñerãre erã ñerire iira dipuwaja moagu arigũcumĩ. Eropigũ árĩpehrerã Goãmũre ñhaturirãre erã ñeri iira dipuwajare erãre masicũ ñgũ arigũcumĩ Goãmũ. Eropigũ Goãmũre erã ñero wereniguira dipuwaja sãre erãre masicũ ñgũ arigũcumĩ,” arĩmũriñumi Enoco mũrũ.

¹⁶ Erã gũyarã gajirãre dũyaso ñero werenigui corerã, erã ñero ñaribejari dihtare iirã ãhrima erã. Eropirã “Gajirãre masitarinũgaa gũa,” arĩrima erã. Eropirã erã gamero dopa iidiarã gajinore emadiarã, peemaja õaro wereniguima

masare.

Jesu yarãre werenemoñumi Juda

17 Mari OpɁ Jesucristo buhedore ĩɁ apinirã erã buherare guñaque mɁapɁ, yɁ mahirã.

18 Ōpa arĩma erã mɁare. “I yeba pehrebro coregã Goãmure ñero arĩ wereyarã árĩrãcoma. Eropirã erã Goãmure gamebirã, ñerire erã Ɂaribejarire iirãcoma erã,” arĩ werema Jesu ĩɁ apinirã mɁare.

19 Jesu yarãre erã basi erã game ĩhaturicũ iima erã Ɂuya wererãpɁ. Eropirã ñerã erã ñeri Ɂaribejarire iirã árĩrã, Espĩritu Santore ne opabeama erã.

20 MɁapɁ yɁ mahirã, Jesucristo ya buherire õaro peenemoque guñaturarã mɁa árĩboro dopa. Iri buheripɁ õataria. Espĩritu Santo itamuri mera GoãmɁ mera wereniguicque mɁa.

21 GoãmɁ mɁare burigã mahimi. Eropirã ĩɁ mɁare mahiniguiboro dopa ñeri mariro árĩniguicãque GoãmɁ ĩɁ dorero dopa. Eropirã Jesucristo mera mɁa eropa árĩniguiburire coreque. ĩɁ marire mojomoro ĩagɁ Ɂmaroguere eropa árĩniguicũ iigɁcumĩ.

22 Cristo yare peediabiriñarirãre mojomoro ĩaque. Eropirã erãre Jesucristo ya diaye árĩrĩre wereque.

23 Erãre peamegue wabonirãre Goãmure itamucũ iique mɁa. Gajirã ñerire iirã wahama. Erã ñerire dooque. ErãpɁre mojomoro ĩaque mɁa. Erãre itamurã mɁa sã õaro iique erã ñeri iirire ĩhacũri arĩrã. GɁhraricɁri suhrĩrore

mua gamebiro dopa ta, gajirã erã ñeri iirire gamebircãque irire pẽhreri arĩrã.

*Juda Goãmure ãgũ umupeori ãhrũ
umarogue erepa árĩnguĩcaa*

²⁴⁻²⁵ Goãmũ mari Opũ marire ãhadibumasimi ñerire mari iibiriboro dopa. Eropigũ ãgũ marire ñeri dipuwaja marirãre umarogue ãgũ pohroque apimasimi. Eropa marire ãgũ erogue apicũ mari mucubirirãca. ãgũ Goãmũ yujugũ ta ãhrimi. Eropigũ peamegue wabonirãre taugũ ãhrimi ãgũ. ãgũ iribojegue dohpague sãre õatariagũ, mari tauro opũ árĩgũ, turatariagũ, árĩpehrerãre doregũ ãhrimi. ãgũ eropa árĩgũ árĩcũ Jesucristo yarã árĩrã ãgure umupeorã. Eropa ta iirã. Iripẽta ãhraa.

Desano

Desano: Goãmu Yare Wereripu New Testament

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

PDF generated using Haiola and XeLaTeX on 30 Apr 2025 from source files dated 1 May 2025

17771afc-c309-57fd-9ff3-2d5a0cd59ff1